

世人好小術不審道淺深垂正從邪徑欲速闕不通猶盲不任
杖聾者聽宮商沒水捕雉兔登山索魚龍植麥欲獲黍遵規以
求方竭力勞精神終年無見功欲知伏食法事約而不繁

世人好小術小術不是道器局若淺小不可聞大道道大包
天地道深濶如海人固不可聞先被盲師毒先入言爲主正
道無由聞旁門好採戰棄正從邪徑服藥求輕舉欲速闕不
通精竭不養性猶盲不任杖借道咨談辯如聾聽宮商沒水
捕雉兔何不參同類五行不顛倒登山索魚龍枯坐以求仙
植麥欲獲黍無爲若辨道運規以求方如上種種爲竭力勞
精神若不遇聖師終年無見功欲知伏食法古仙語不繁伏

道藏輯要

參同契
上陽子注

堯

虛集三
X5X

炁不服炁服炁須伏炁服炁不長生長生須伏炁斯言真妙
訣以詔高上人

流珠金華章第二十四

大陽流珠常欲去人卒得金華轉而相因化爲白液凝而至堅
金華先唱有頃之間解化爲水馬齒瓊珩陽乃往和情性自然
迫促時陰拘蓄禁門慈母養育孝子報恩嚴父施令教勅子孫
五行錯王相據以生火性銷金金伐木榮三五與一天地至精
可以口訣難以書傳子當右轉午乃東旋卯酉界隔主客二名
龍呼於虎虎吸龍精兩相飲食俱相貪便遂相啣嚙咀嚼相吞
榮惑守西太白經天殺氣所臨何有不傾狸犬守鼠鳥雀畏鷗

各得其功何敢有聲不得其理難以妄言竭殫家產妻子饑貧
自古及今好者億人訖不諧遇希有能成廣求名藥與道乖殊
此章分明指示流珠金華為陰陽之二物復示燒煉之密旨
其間透露大為詳切可以口訣難以書傳是也上陽子乃重
宣此義而為偈言太陽流珠離有日烏離宮姹女非色非珠
太陽隱明實稱乾父砂中有汞汞為砂祖世人緣因六賊引
通廁鑿流珠或熬音嘶龍所吐涎也或逸金木居兌寓坎生華坎之
真水乃尅離砂汞被金水制伏轉變化為白液應時燒煉金
返居前吐華先唱真土云己已須神王己日地神擁一玉局
陞於高座暴露雙足金華化水有頃之間色如馬齒鍾乳爛
道藏輯要

參同契上陽子注

李

虛集三

玕乾陽為賓往以求友陽性陰情音熙譴音熙相蟠糺陰被陽迫

陽被陰促彼促我迫時陰拘畜兩腎之間號曰禁門一陰一

陽一乾一坤慈母云金金生坎水水即金公水稱孝子嚴父

云木木生砂汞子又生孫子繼孫踵慮不精專嚴施號令五

行錯王顛倒尅應鉛汞砂銀相據於土火盛生土土為金母

火王銷金木畏金刑金被火伐木乃敷榮東南南五木三火

二西北同五水一金四中央戊己是日三五數一至萬兆經

垓補數合天地音忙勉也感至精此感彼合口訣須明子當右

轉若響若過陽金生子午乃東旋陰汞生午包固陽精卯酉

東西主客二名金木間隔相去萬里懷仁懷德金順木喜龍

呼虎吸金戀木仁一主一賓飲食相親一鳥一兔俱相貪便
一男一女遂相啣嚙一龜一蛇咀嚼相吞南方之神朱雀熒
惑守占於西煨煉金德兌之殺方慎毋差忒含儲生意炁日
太白經行黃道信歸乾戶殺炁一臨生炁自布猶猫捕鼠似
雀畏鷗各得其功何敢有聲不得口訣奚可猜言枉耗家產
行諸旁門邪蹊曲徑採戰誤真誤誘罪重豈顧他貧自古及
今好者億人不遇真師希有能成未明陰陽豈知同類廣求
名藥愈耗真炁金石草木非類無情去道乖遠寥隔萬程法
則後學梗概敷陳備明奧典得做仙真

如審遭逢章第二十五

道藏輯要

參同契
上陽子注

空

虛集三
X 8

如審遭逢觀其端緒以類相况揆物終始五行相剋更爲父母
母含滋液父主秉與凝精流形金石不朽審專不泄得爲成道
立竿見影呼谷傳響豈不靈哉天地至象若以野葛一寸巴豆
一兩入喉輒僵不得俛仰當此之時周文揲蓍孔子占象扁鵲
操針巫咸扣鼓安能令甦復起馳走

此章乃謂人若遇師先須審察觀其端緒是正是邪將此參
同契勘果是明師問無不知畧無留滯若是盲師十不知九
百端捏怪引人落草或以無言是道或惟打坐觀空問其砂
汞虎龍金木間隔三日震象逆用先天不曉丹經啞口無對
世之愚夫但聞何人打坐幾年某人入闈幾處便紛言其有